




3267

Broj : Pk-352/2019  
Sarajevo, 05.12.2019. godine

Bosna i Hercegovina  
Federacija Bosne i Hercegovine  
**KANTON SARAJEVO**  
**SKUPŠTINA KANTONA SARAJEVO**



Veza Vaš broj: 01-05-41335-57/19 od 22.11.2019.godine  
N/r predsjedavajućem Skupštine Kantona Sarajevo

**PREDMET: Dostava odgovora na zastupničko pitanje gospođe Segmedine Srna Bajramović, dostavlja se**

Poštovani,

Vašim dopisom naprijed navedeni broj proslijedili ste zastupničko pitanje, zastupnice u Skupštini Kantona Sarajevo gospođe Segmedine Srne Bajramović upućeno Pravobranilaštvu Kantona Sarajevo na sjednici Skupštine Kantona Sarajevo održane dana 19.11.2019. godine, a koji dopis je zaprimljen od strane ovog organa dana 26.11.2019.godine i koji se odnosi na imovinu Filmskog centra Sarajevo.

Analizom postavljenog zastupničkog pitanja jasno je da se isto odnosi na tvrdnje Filmskog centra Sarajevo o pokušaju nelegalnog preuzimanja imovine na Jagomiru od navednog preduzeća, te kako se u medijima navodi da iza toga stoji Pravobranilaštvo Kantona Sarajevo a imajući u vidu da se radi o veoma važnom pitanju iz oblasti imovinsko pravnih odnosa zatraženo je izjašnjenje ovog Pravobranilaštva.

Dana, 15.03.2018.godine Pravobranilaštvo je zaprimilo Informaciju o nekretninama "Bosna film" d.d. Sarajevo od strane Kantonalne agencije za privatizaciju. U dostavljenoj informaciji se između ostalog navodi da je "Bosna film" d.d. Sarajevo jedno od preduzeća sa kojim se vodi sudski postupak za raskid Ugovora o kupoprodaji državnog kapitala zbog neispunjenja ugovornih obaveza zaključenog sa Kantonalnom agencijom za privatizaciju.

U nastavku informacije navodi se da nekretnine upisane u zk. uložak broj 1840 KO Sp Koševo i to: k.č. oznaka 250/2- dvorište površine 18 875 m2, k.č. 250/4 - dvorište površine 25 m2, k.č. 250/1 put površine 105 m2 i k.č. 250/6 put površine 14 m2 kao i nekretnina upisana u zk.uložak broj 1252 KO Sp Koševo k.č.250/3 oranica Bara površine 1000m2 **nisu iskazane u Početnom bilansu, odnosno**



nisu bile predmetom privatizacije navednog preduzeća. Podaci iz početnog bilanca također odgovaraju i Prospektu tendera te Izvještaju o kontroli programa privatizacije preduzeća u kojem je navedeno da preduzeće nema nekretnina u vlasništvu, a što je navedeno i u Javnom pozivu za prodaju državnog kapitala.

Shodno odredbi člana 31. Zakona o privatizaciji preduzeća propisano je da neprivatiziranim kapitalom i imovinom preduzeća po izvršenom programu privatizacije i početnog bilanca stanja upravlja i raspolaze Vlada nadležna za upravljanje državnim kapitalom u tom preduzeću odnosno u konkretnom slučaju Vlada Kantona Sarajevo. Imajući uvidu prednje navednu odredbu Zakona o privatizaciji, Pravobranilaštvo Kantona kao zakonski zastupnik imovine i imovinsko pravnih interesa Kantona je na osnovu dostavljene informacije i dokumentacije Kantonalne agencije za privatizaciju podnijelo Zahtjev za uknjižbu prava vlasništva zemljišnoknjižnom uredu Općinskog suda u Sarajevu. Rješenjem broj 065-0-DN-18-013 242 od 12.06.2019. godine Sud je odbio prijedlog Pravobranilaštva Kantona Sarajevo na koje rješenje je Pravobranilaštvo blagovremeno izjavilo žalbu te se predmetni spis po istoj nalazi na Kantonalnom sudu u Sarajevu.

Imajući u vidu informacije i dokumentaciju dostavljenu od strane Filmskog centra Sarajevo, a naročito navode da se radi o pokušaju otuđenja državne imovine sa elementima krivičnog djela, ovo Pravobranilaštvo je zatražilo izjašnjenje Kantonalne agencije za privatizaciju a paralelno tome uputilo je zahtjev Sudu za dostavu istorijata upisa Bosna film d.d. na predmetnim parcelama kao i istorijate upisa u sudske registre za pravna lica koja se dovode u vezu sa predmetnom imovinom iz kojih bi sa sigurnošću mogli utvrditi pravno i činjenično stanje.

Prednje navedno u cilju otklanjanja sumnji ko polaže pravo vlasništva nad predmetnim nekretninama. Kako do dana sačinjavanja odgovora na zastupničko pitanje gospođe Segmedine Srne Bajramović nismo zaprimili odgovore na podnesene zahtjeve od strane registra Općinskog suda u Sarajevu, to ćemo se po dobijenim informacijama po potrebi detaljnije izjasniti.

U slučaju potrebe stavljamo se na raspolaganje dostaviti Vam dokumentaciju na osnovu koje je Pravobranilaštvo podnijelo zahtjev zemljišno-knjižnom uredu Općinskog suda u Sarajevu za upis vlasništva u korist Kantona Sarajevo na predmetnim nekretninama a sve u cilju obavljanja poslova iz svoje nadležnosti- zaštite imovinsko pravnih interesa Kantona Sarajevo u skladu sa Zakonom o pravobranilaštvu Kantona Sarajevo (Sl.novine Kantona broj:33/08, 7/12,44/16)

U nadi da smo udovoljili Vašem zahtjevu, srdačno Vas pozdravljamo.

S poštovanjem,

PRAVOBRANILAC KANTONA SARAJEVO



<http://pb.ks.gov.ba>, e-mail: [pb@pb.ks.gov.ba](mailto:pb@pb.ks.gov.ba)  
Tel/fax: +387(0)33 214-033, +387(0)33 666-614 +387(0)33 226-024  
Sarajevo, Branilaca Sarajeva 21/1